

ORTOGRAFIA DE SA LIMBA SARDA

Avèrbios e Locutzones averbiales.

Un'avèrbiu est una parte **invariàbile de s'arresonu (cheret nàrrere chi non mudat a cunforma de su gènere e de su nùmeru)**, chi modificat o pretzisat su significadu de unu verbu, un'agetivu, un'àteru avèrbiu, o una frase intrea. Sos avèrbios podent èssere formados dae una singula paràula (es: bene – como – meda), o dae prus paràulas (a fòrtza – a inoghe – in logu), in custu casu leant su nùmene de **locutzones averbiales**.

In sardu, a diferèntzia de s' italianu **non s'impitat su “superlativu assolutu”**, ma a su postu de sou si cumponet una locuzione averbiale.

Duncas podimus **repìtere s'avèrbiu duas bortas** pro l'afortire.

es: vai pianissimo → anda **a bellu a bellu**

es: è di un colore chiarissimo → est de unu colore **craru craru**

Tipos de avèrbios.

Amus maicantos tipos de avèrbios:

**de modu - de logu - de tempus - de cantidade - de afirmadura,
de dennegu, de duda (dùbbiu) - interrogativos.**